

Reifun á úrskurði nr. 9/2016 - Tollflokkun tengivagns

A kærði ákvörðun Tollstjóra um tollflokkun tengivagns af gerðinni Stagline SL 100 í tollskrárnúmer 8716.4000. Var krafa A sú að tengivagninn yrði tollflokkaður í tollskrárnúmer 8716.3991.

Niðurstaða: Í tollskrárnúmer 8716.4000 fara tengivagnar sem ekki eru sérstaklega ætlaðir til vöruflutninga. Tengivagnar af gerðinni Stagline SL 100 hafa það meginhlutverk að vera svið sem sé færanlegt. Litið var til skýringabóka Alþjóðatollastofnunarinnar við tollflokkun tengivagnsins. Í skýringarbókum voru nefndir sem dæmi um vagna sem ekki væru ætlaðir til vöruflutninga, vagnar sem notaðir væru á skemmtisvæðum, t.d. vagnar sem breytast í verslun eða leiksvæði. Þrátt fyrir að vagn af gerðinni Stagline SL 100 hefði umtalsverða burðargetu og geti borið töluvert magn af varningi, var litið til hlutverks tengivagnsins. Var ákvörðun Tollstjóra um tollflokkun tengivagns af gerðinni Stagline SL 100 í tollskrárnúmer 8716.4000 staðfest.